

## Šentencija Mesopusta «Stari dečko» - 2003. godine

<p>Sudac 1</p> <p>Pozdrav svima, to priliči Na početku ove priči Iskren pozdrav jedan širi Za sih ljudi va Bribiri</p> <p>Iskrena je to namjera Kaj nacija i kaj vjera Običaj mi evo nudi Sih pozdravljan dragi ljudi</p> <p>Pozdravljan te Bribir grade Tvoji zidi i gromade Lipi pozdrav kulo stara Ti nan služiš za čuvara</p> <p>Čvrsto stojiš tu na steni Čuvaš naše uspomeni S pozdravon ti dižen čašu Čuvaj kulo povjest našu</p> <p>Tu na steni čvrsto stojiš I stoljeća prošla brojiš Vridnun rukun uzidana Još za vrime Frankopana</p> <p>Bribir grade, naša diko Živi grade još toliko Potpisnik si, naša dika Vinodolskog zakonika</p>	<p>2</p> <p>Da ča nebin zaboravil "Lipu Našu" bin pozdravil Pozdrav šaljen naveliko I to uzduž i popriko</p> <p>Od zapada do istoka Od Poreča do Iloka Sjeverna i južna strana S Prevlake do Goričana</p> <p>Još pozdravit iman želje Ministarske se fotelje Va fotelji čast velika Mogla minjat bi vlasnika</p> <p>Pošteni smo glasi dali S puno nadi ih zibrali Okrenuli su nan pleća A godinaj prošla treća</p> <p>Obećanja su nan dali Ali lažno su guslali Va te gusle ja nen gudit Mesopustu gremo sudit</p> <p>"Stari dečko", stari vole ti si kriv za prazne škole a prirast je jako pići za jaslice i vrtići</p> <p>Tambur</p>	<p>Abukat 3</p> <p>Dragi stari običaju Tvoje vrime prišlo kraju Kraj je prišal tvojoj srići Evoj skoro i prolići</p> <p>Ov običaj lipi stari Određen va kalendaru Ki traje u toku zime Ne pada va isto vrime</p> <p>Sa veseljen uvik zrači Najviše bu va veljači Kadagod nas namagarči Ovomuj kraj tek va Marči</p> <p>S ovin san se pozabavil A nisan vas još pozdravil Vridno vršim dužnost datu Oprostite abukatu</p> <p>Za ov propust ja se kajen Pa pozdravi skupni dajen Za sih ki ste oko mene "Šentencija" neka krene</p> <p>Porukaj tu još velika Od mojega štíćenika Zamolil je lipo mene Da pozdravin redon žene</p>
--	---	---

<p style="text-align: right;">4</p> <p>“Stari dečko” ih pozdravlja Jednu nadu in ostavlja Da on čuva svoju “KITU” Za život na drugon svitu</p> <p>Misli šnjimi stara bena Da proslavi i “Dan žena” On je željan avanture Pa pozdravlja stare cure</p> <p>Stari dečki su va modi Tu naš Bribir kolo vodi Kad se stare cure zbroje Propasti se ljudi boje</p> <p>Nervozno se sudac šeta Ča to ime njega smeta Oženil sej, mi to znamo On ne spada više tamo</p> <p>Zato suče riči biraj “Starog dečka” ti ne diraj Već v kreveti vridan budi Neka rastu mladi ljudi</p> <p>Tu pokaži volju jaču Da ti dica v kući plaču Lipo delaj to zalazna Da ne bude škola prazna</p> <p>Tambur</p>	<p style="text-align: right;">5</p> <p>Sudac</p> <p>Vrimena su prišla teška Celog svita ovoj greška Pogledajmo na priliku Celu svjetsku politiku</p> <p>Amerika velesila I ona sej prestrašila Ča bi rekli, jada šaka Bin Landena i Iraka</p> <p>Sićaju se kodaj čera Srušena dva nebodera Sramotaj njin veća ona On pogodak Pentagona</p> <p>Videli su oni tada Kako nevin narod strada Sul ča sotin naučili Kada oni su rušili</p> <p>Bez kajanja i bez srama Ne sića se Vijetnama Koda svjetske su sudije Od Kuvajta do Srbije</p> <p>Nemiran je i Pakistan Pa i susjed Afganistan Tuda kruži sumnje sjena Daj to zona Bin Landena</p>	<p style="text-align: right;">6</p> <p>Nigdi opet to bez mere Ubijaju radi vjere V Irskoj vjerski sukob vlada A kultura toj zapada</p> <p>Sukobi su totu pravi A va istoj su državi Za vjerski se prestiž bore Dite v školu poč ne more</p> <p>Još nan lipše stižu sliki Z Nigerije va Afriki Ne tuku se ti zbog škole Njin smetaju ženske gole</p> <p>Misice su tamo bile Ma se nisu predstavile Nij in ovo šlo na ruku I tamo se vjere tuku</p> <p>Židi svoju pravdu kroje Meriki se ti ne boje Tu moreš reć mirne duše Va istu se tikvu puše</p> <p>Bliski istok ima krizu To nan je previše blizu Palestincih teror davi Još uvik su bez državi</p> <p>Tambur</p>
---	---	---

7	8	9
<p>Abukat</p> <p>Da opišen evo sada Kako zgljeda nan parada Ki ju vodi , kako dela Toj zadaća dosti vela</p> <p>Kakovoj komandovanje I kulikoj brojno stanje Kapetani tajna nije Komandiri su satnije</p> <p>Kapetana pitan trezna Zač točan broj niki nezna Odgovara on mi tada Da ih bude kako kada</p> <p>Akoj, lipo i nij zima Šesdeset ih onda ima Tuliko il manje zeru Dečkih pride na večeru</p> <p>Kad daž pada, kad je zima Moreš reć da pol ih nima Saki vodi brigu svoju Navečer su si na broju</p> <p>Kapetani pozdravljaju Po starome običaju Kapelnik i čeljad mlaja Dugo su od običaja</p>	<p>To običaj nij od prije Da parada jako pije I prije sej v selih pilo Maj pijanih malo bilo</p> <p>Sakakove priče kruže Po selih se ljudi tuže Mora mislit se za kletu A ne ljuden delat štetu</p> <p>V Podskoči na kraju dana Sminili i kapetana Kapetanaj ženska bila Tu za prsa ulovila</p> <p>Narod lipu šalu voli Nek se voze v karijoli Vozili su, dal se sića Butigira Ligatića</p> <p>Va Štalah su tako bili Janji kaktus sav pojili Želudac in dobro radi Stevo valjda se ne jadi</p> <p>Lipo su se zabavljali Cel dan Štale pozdravljali Va Dom na večeru svoju Bome bili si na broju</p> <p>Tambur</p>	<p>Sudac</p> <p>Jedna sumnja stalno kopa Ma jel za nas ta Evropa Tamo gremo, toj va plani Nećemo bit na Balkani</p> <p>Bil nas ta Evropa zela Politikaj kurba vela Ja bin in pokazal rogi Mi smo tamo s obi nogi</p> <p>Nas je sagdi ljudi dragi Med prvima smo va Hagi Hrvaton se tamo sudi Mi velimo toj za ljudi</p> <p>Va sakomu su kantuni Naši tati i tajkuni Va Švicarskoj nema krize Tamo naše su devize</p> <p>Posla nema to nas steže Saki dan je puno teže Mladi ljudi se ne brinu Šalju se u materinu</p> <p>Koda brigi ih ne stišću Mnogi posla i ne išću Euri i naše Kuni Uvik su in žepi puni</p>

10	11	12
<p>Čemu brige i nervoze Auti se novi voze A to voze mladi ljudi Pa pametan sada budi</p> <p>Na skijanje v zimi gredu Sport je dobar toj u redu Budala ne more svatit Ki će to od kuda platit</p> <p>Kad sezona ljetna pride Na Grčku se plažu ide Guzice se moče tamo Otkud novac, to neznamo</p> <p>Kad o štrajku je debata Mi smo za sih tata-mata Si štrajkaju dva tri dani Mi četiri šetemani</p> <p>Branitelju niš ne sopi Mi smo čvrsto va Evropi I Crikvi se skida kapa Treći put gre simo Papa</p> <p>V laži i va politiki V Evropi smo po priliki Ma za delo, malo stani Tu smo čvrsto na Balkani</p>	<p style="text-align: center;">Abukat</p> <p>Predugo greš, malo stani O Evropi ne divani Ni poli nas niš ne štima Koda vrag stin posla ima</p> <p>Mene drugo tu nervira Dotakal bin se Bribira Zač lopovih naših stopi Nij in ravna va Evropi</p> <p>To da se ne zaboravi Lopovi su naši pravi Za njih nema tabu-tema Evropa takovih nema</p> <p>Bilo doma ili v gori Sake vrata taj otvori Ti lopovi dobro znadu Kadij vridno ča da krađu</p> <p>Za njih ništa teško nije Ne boje se policije Slobodno gre ali pazi Počelaj na Velon lazi</p>	<p>Po gori se redon krade To lopovi isti rade U doktora Katunara Patent bravu on otvara</p> <p>Po gori gre bagra ova Od Maševa do Lukova Na Lukovi reć se mora Pokrali su i Mazora</p> <p>Va Bribiri čuda čine Od butigi Maričine Čaj tu vridno to su znali Se čaj vridno su ukrali</p> <p>Policija ima muki Da lopvske najde ruki Ipak trud in je naplaćen Glavni krivac daj uhvaćen</p> <p>Hvatali ga dosti dugo Bil je majstor, a ča drugo Čaj v skladišće k njemu stiglo Dva traktora ne bi diglo</p> <p>Tin lopovon ravna nije Ni mafija Sicilije Nisu bolji dobro znani Ni Engleski huligani</p>
<p>Tambur</p>	<p>Srbinu su se pokrali Tri put su provaljivali A Matić se isto žali Njemu alat su pokrali</p>	<p>Tambur</p>

13	14	15
<p>Sudac</p> <p>Saka zima nij jednaka Prošlaj bila stvarno jaka Na početku Siječnja bilo Bome grdo zahladilo</p> <p>Bilaj sniga a i leda Čoviku van s kuće neda Naše cisti na se strane Bile ledon blokirane</p> <p>Ciste čiste kako tako Selski puti baš nikako Pa kroz naši selski klanci Vozi on ki ima lanci</p> <p>To su ljuden vele brigi Ne moreš proć do butigi Nij se moglo toj istina Ni pišice s Poduljina</p> <p>Stanko Dražić, Božo Spoja Nij ča pušit nij spokoja Uspjeli su hrabrost skupit Cigareti gredu kupit</p> <p>Ova dvojka stazu bira Gredu priko simitira Strahon tuda gredu zgoru Morda mrtvi in pomoru</p>	<p>Sagdij gadno mi se čini A najgore na Kričini Ne moreš poć vavoj rundi Pišice do "VAGABUNDI"</p> <p>Klizališcej daj milina Od vodi do Šimičina Bura te va pleća goni I začas si va "LONDONI"</p> <p>Autoj nij va tu stranu Mogal skoro šetemanu Ivej Dražić stalno v kući Uz Micu i čajić vrući</p> <p>Joža Škodić muku muči Da va promet se uključi Sa lopatun prolaz čisti Dvajset metar je do cisti</p> <p>Joža čisti, gljeda grdo Led se neda stoji tvrdo Auti po cisti voze A on pati od nervoze</p> <p>Nervoznaj i Mica bila Tri se dani nij vozila V Šentenciji tako piše Daj za Micu to previše</p> <p style="text-align: center;">Tambur</p>	<p>Abukat</p> <p>Ovoj briga jako vela Da obiđeš naša sela Saku kuću više-manje Da vidimo kakvoj stanje</p> <p>Čaj v kon seli smišno bilo Ča sej komu dogodilo A ja iman želju vruću Da opišen saku kuću</p> <p>Gren na istok sad od grada Upravo do Milorada On je uvik vavon štivi Da vidimo kako živi</p> <p>Dal se drži svoga čoška Ostali tri drži Joška Prije nego dalje krenen Otel bin nju da spomenen</p> <p>Lanij sama doma bila Kontrolaj juj posjetila Ljudi od televizije A Joška se samo smije</p> <p>Kontrola do kuće svraća Kad pretplata se ne plaća Uspjelaj tu Joški varka Veli ja san podstanarka</p>

16	17	18
<p>To morate ljudi svatit  To Milorad mora platit  Ja se ne sekiran više  Tu njegovo ime piše</p> <p>Divaneli nisu dugo  Prošli ljudi ča će drugo  Smijuć Joška gladi bradu  Dug je ostal Miloradu</p> <p>Kašnje sej to i platilo  Televizor nij isključilo  Milorad je skupil para  V kampi bude za čuvara</p> <p>Ni po zimi nij na miri  Služi pare v Pavlomiri  On nikada ne miruje  Tamo trsi obrizuje</p> <p>Milorad je zdrav va  mozgi  Naučil je rizat rozgi  Pavlomir je bil prilika  Naučil gaj Mata Dika</p> <p>Milorad to brzo svaća  "Vupik" delo dobro plaća  Dobro rozgi on dosiže  A doma mu drugi riže</p> <p>Tambur</p>	<p>Sudac</p> <p>Otel bin na ovoj strani  Pećariću mladon Frani  On je uvik vridan smiha  Da napišen dva tri stiha</p> <p>Kad je rič o Pećariću  Doživljajih ima vriću  Par mi ih je na um palo  Nasmijte se sada malo</p> <p>Toj bilo još na prolići  I tuj imel vražje srići  Fićuj vozil, ne po dani  Nego noći, s maligani</p> <p>Koda vozi od dešpeta  Od birtije do bufeta  Ma kad pride vrime  kraju  Lokali se zapiraju</p> <p>Sa sobun se Frane bori  I našal sej va Podgori  Dočekala tu gaj mina  Blizu Bori Peričina</p> <p>Priko mosta preć pokuša  Ali fićo ga ne sluša  Kako su va potok pali  On i fićo nisu znali</p>	<p>Leži fićo va potoki  Nagnut je na livon boki  Fićoj dosti tu najebal  Frane se nij ni ogrebal</p> <p>Zić nemore, noć je škura  Bilaj kasna noćna ura  Totu ću spat Franej rekal  Takoju zoru tu dočekal</p> <p>A drugi put Frane veli  Vozili se va opeli  Se bez cilja i stanice  On i Pere s Kavranice</p> <p>Prošli lipo malo zgoru  Vozili kroz našu goru  Dal prebrzo ki to pazi  Biloj to na Velon lazi</p> <p>Star auto, mor nij novi  Lipo našal sej na krovi  Nesrićaj to bila prava  Frani opet cela glava</p> <p>Hodeć tuda sav sej vogal  Jel poginut totu mogal  Nosi Frane glavu živu  Veli, neće grom v  koprivu</p> <p>Tambur</p>

19	20	21
<p>Abukat</p> <p>Evo još na jednoj strani To pripada isto Frani Kakoj počel ženske minjat Oćel zato me preklinjat</p> <p>Veli da sej ženi rešil Potiral juj i utješil Ja se vato nebin diral Dal je prošla, jel potiral</p> <p>Morebit to dobro zide Morda ženska nazad pride Frane za njun ne tuguje Takovoj se ne veruje</p> <p>Pravi Frane u "Goranki" Više nas je tu na šanki Izjavil je veruj meni Frane neće bit bez ženi</p> <p>Veli Frane po priliki Daj pripeljal jednu z Riki Pa se jako sotin štima Dvajstosan let ženska ima</p> <p>Poli menej sada doma Evo ti broj telefona Ajde zovi nemoj gnjavit Ženska ti se oće javit</p>	<p>Sluša društvo slušan i ja Prisutan je i Ilija Na slušanje smo se dali A Frane se jako fali</p> <p>Ženskaj mlada a vitkija Savija se kao zmija Veli Frane, baš me briga Ma za seks je prva liga</p> <p>Za obedon vrimej biral I pet put je atakiral Četiri put snagi smogal A peti put da nij mogal</p> <p>Žensku mučil, ljudi moji Zač peti put miš ne stoji I Frane sej tu namučil Neznan je ča bil naučil</p> <p>Vrtirepka toj terenska Za tri dani prošla ženska Frani bome lipo bila Jebačinu naplatila</p> <p>Ukralo to biće bjedno Televizor i sve vredno Takoj Franu tu našega Očistila sasin sega</p> <p>Tambur</p>	<p>Sudac</p> <p>Ovo van sej lani bilo Andri Šecku dogodilo Nij bil pijan, nego trezan I propisno vozeć svezan</p> <p>Poslovnin je hodil puton V Crikvenicu sa auton Dobro vozi, nij on bena Svastika je šnjn i žena</p> <p>Malo brže vozit voli Tako do zidarske školi Tu na cisti nisu đaci Već ležeći policajci</p> <p>Vozi brzo, briga njega Zdrmalo gaj sasin sega Čul je Andre daj nič tuklo Valje misli nič je puklo</p> <p>Va kraj stane i divani Da ste brzo obi vani Nisu Andri jasne stvari Čaj to puklo jel va kvvari</p> <p>Natla legne glava seda Pod auto brižan gljeda Za auspuh nij ga briga Jel šal feder il getriba</p>

22	23	24
<p>Niš ne vidi majko mila I dica se tu skupila Va smihu mu vele đaci Zdrмали vas policajci</p> <p>Tad sej počel Andre pjenit "Dica hote mater ženit" Policajca ja nis toga Bome videl nijednoga</p> <p>Na sa usta to van zijan Da san trezan a ne pijan Za volanom trezan sidel Policiju nisan videl</p> <p>Dragan Hrvat pride totu Se muj bilo jasno sprotu Zato Andri veli valje Niš nij bilo vozi dalje</p> <p style="text-align: center;">Tambur</p>	<p>Abukat</p> <p>Mislin daj i ovo pravo Da spomenen i "BADAVO" Mnogi totu grlo smoči Ma badavo se ne toči</p> <p>Baš ugodan kutak nudi Sastaju se totu ljudi Atmosfera blisku stvara Duet Eca i Barbara</p> <p>Saki dan se totu vide Stalni gosti kako side I "Čarltona" i "Pipina" I Matu Veronikina</p> <p>Saki sebi društvo bira Tu se vidi i Smovira Ljubo Škodić k njemu svrati Nij važno ki piće plati</p> <p>Uvik sidi u Davora Stalno društvo iz Podgora Sako jutro totu svrnu Da popiju kafu črnu</p> <p>Lovci kad u lov se kreće Kraj Davora krenut neće Davor in natoči piće Da va lovi bude sriće</p>	<p>Ive Rudin isto pride I uz kafu črnu side Od kada nij za prevoznika Toj od Ivi samo slika</p> <p>Va kamion saki gljeda Ma zdravlje mu više neda Još bi vozil nima mira Da mu srce ne trokira</p> <p>Ljetos Šimca tu san videl Bil je "vesel" ma nij sidel Pjevušil je bez prestanka Niku pismu oko šanka</p> <p>Piva tiho, onda jače Pa zavija koda plače Onda veli, moran stišat Oću v gaće se popišat</p> <p>Njemu kodaj stala voda Gre pivajuć do zahoda Piva Šimac va zahodi "Takova me majka rodi"</p> <p>Držeć miša svog za glavu Baš je zibral pismu pravu Volin piti, volin piti Takav ću i ostariti</p> <p style="text-align: center;">Tambur</p>



26	27	28
<p>Abukat</p> <p>Avantura ovoj pića Milivoja Skočilića Uvik dela, majstor pravi Ma kadagod i zaglavi</p> <p>Ove vijesti prišle k meni A misec je bil Studeni Celog dana poslaj bilo A onda muj dojadilo</p> <p>Presukal je radnu robu Sa auton gre na probu Avanturej imel lipe I š njin skupa sused Stipe</p> <p>Da va posli bude sriće Mora se poč i na piće Tako se za sriću pije Od birtije do birtije</p> <p>Uz lokal se saki stane Prišli tako va Grižane Noćnij život na pomolu Pa Podbadanj gredu zdolu</p> <p>Autih je hrpa vela "Katarina" opet dela Namjerno se lokal bira Tu narodna glazba svira</p>	<p>Pevaljke su lipe totu Bili su va pravon motu Trešti glazba daj milina Sa se trese "Katarina"</p> <p>K Milivoju ženska pride Na koleno valje side Z dekoltea cica viri A Milivoj samo žmiri</p> <p>Istu večer ta Studeni V Grižanah su naše ženi Tu muzika dobra svira Dostij tu žen iz Bribira</p> <p>I Anicaj tu tancala Ma sej dosti sekirala Sekira se muko moja Nij njezina Milivoja</p> <p>Ma ča mu sej dogodilo Toj sumnjivo Anki bilo Onda Zoru Trišić moli Da Podbadanj gredu doli</p> <p>Prišle su va "Katarinu" A Anica samo zinu Dal to Anka dobro vidi Na koleni ženska sidi</p> <p style="text-align: center;">Tambur</p>	<p>Sudac</p> <p>Zatrla se ovo sime Tomica muj zibral ime Ostarel je ćaća Toma Stalnoj oko Mici doma</p> <p>Nakosil je dva tri stoga Slaba korist mu od toga Dokopal se samo vruga Narod već ne drži blaga</p> <p>Mislin togaj dosti bilo Sin nan je već dosadilo Optužbi su su prišle kraju To tribaju svi da znaju</p> <p>Celojajac dečko stari Za obitelj ta ne mari Se čaj lipo njemu smeta Nima ženi ni diteta</p> <p>Penzijicu malu ima Ne žali se, i to štima Penziju bi imel bolju Ma nij bil va Turopolju</p> <p>Bil bi imel duplo staža Kazna bi mu bila blaža Nijedan plus mu ne damo Zač nij on bil ni za tamo</p>

29	30	31
<p>Va optužbi lipo piše Prekršajih je previše A za saku veću grešku Presudu mu spreman tešku</p> <p>Nij ostavil niš za sobun Da ga kaznin samo globun To za njega niš ne mjenja Nij ostavil pokoljenja</p> <p>Ovo van je točno fakat Za njen neće dica plakat Parada će samo žalit Leto dan in oće falit</p> <p>Na obranu ja ne hajen Osudu mu tešku dajen Toj jedina kazna prava Neka mu odleti glava</p> <p>Dajte britku sablju simo Da mu glavu odrubimo Moj je zakon strog ma pravi Daj bar takov va državi</p> <p>Ovoj kazna stvarno teška Ma blaža bi bila greška Zato jutro truplo ovo Odnosite na Čokovo</p> <p>Tambur</p>	<p>Abukat</p> <p>Da vidimo, a ča više V ostavini ča nan piše To bin otel da objavin I na se to točku stavin</p> <p>Tu na prvo mesto gredu Roditelji, toj u redu Oni su ga odgojili Ali nisu oženili</p> <p>Ne ostavlja velu svotu Sej on spiskal u životu Ostavlja in puno tugi I na banki veli dugi</p> <p>Oni su mu veruj meni Divaneli da se ženi Misleli mu grunat predat I unuki svoji gljedat</p> <p>“Stari dečko”nij ih slušal Nit je onu stvar okušal Samoj mislel, jist i popit Tribalo gaj još uškopit</p> <p>Cel Bribir ga malo žali Takovi niš nisu dali Da nan Bribir lakše diše Da mladosti bude više</p>	<p>Školske dice se je manje Poraznoj to za nas stanje Bribir kuka zabadava To selendra bit će prava</p> <p>Lovišće će postat ovo To se vidi toj gotovo Kroz Bribir se sagdi vidi Divi prasci i medvidi</p> <p>“Stari dečko”sada žmiri Leto dan smo si na miri Zadnje ure kad je disal Za paraduj nič napisal</p> <p>Oni vjerni su mu bili Do smrti za dušu pili Da za dušu sviću kupe Da se kletu opet skupe</p> <p>Kapetanon dobri živci I oni su mali krivci Nisu se od sebe dali Disciplini puno fali</p> <p>Paradi ku jako voli Ostavlja dvi karijoli Kada se napiju “Loze” Pijani se selon voze</p> <p>Tambur</p>

32	33	34
<p>Sudac</p> <p>On Mrvoša Petra fali Upoznal gaj bil na Kali Iza jednog leskaj viril Kad muj Mate zemlju miril</p> <p>Mate Pate zemlju miri Dorina mu mezban širi Petar Matu upućuje Stavlja floki, ma na tuje</p> <p>Prelila sej totu čaša Matelo muj za mejaša Spod javora Ive gljeda Svoju zemlju Petru neda</p> <p>Mateloj ta dan oprezan Niš ne more dok je trezan Ali kad sej napil Ive Pišarijej bilo žive</p> <p>Gre Matelo do mejaša Va jednoj mu ruki flaša S drugun floki dohićuje I po Kali rashićuje</p> <p>"Stari dečko" dragi ljudi Petru novi floki nudi I Matelu da zamoli Da zabije kadi voli</p>	<p>Ni Tihu nij zaboravil Tablu pleha muj ostavil Ostavina to nij vela Od nje Tiho sača dela</p> <p>Biloy prošle to jeseni Na Selcih je jednoj ženi Uz ostalo drugo delo Načinil i remek djelo</p> <p>Reklaj da joj to načini Plaća mu va gotovini Toj previše daj od dice Pleh Wc za lastavice</p> <p>Neka zame dobru meru Da na balkon joj ne seru Previše joj balkon blati Ona će to se da plati</p> <p>Neznan sul ju poslušale Lastavice ptice male Sul shvatile novu modu I sul srale va zahodu</p> <p>Veli Tiho, neka neka I narudžbu novu čeka Načinit će ako plati Tican beštek i pijati</p> <p style="text-align: center;">Tambur</p>	<p>Abukat</p> <p>Vatrogascih on pozdravlja Oporukun in ostavlja Jedan darak i to mali Lani su se osnovali</p> <p>To su redon mladi ljudi Od srca in ovo nudi Dvi mlatače va ormari I kamijon jedan stari</p> <p>Problemi se ote stvorit Kad livadi počnu gorit Da su ruki in od zlata Niš ne moru bez alata</p> <p>Bil ja slučaj jedan vrući Kad Marinku gori v kući Vatrogascih bilo puno Jedvaj spašen "numer uno"</p> <p>Vatrogasci su znovoga Spasili su dosti toga Ali štete nisu male Zgorele su cele škale</p> <p>Nij bil doma da ča spasi Naš Marinko grlo gasi Kroz poneštru oganj leti A Marinkoj va bufeti</p>

35	36	37
<p>Da ovo ne izostane Za Krstića iz kavane "Stari dečko"ga pozdravlja Dva tri coki mu ostavlja</p> <p>Kad va nispoc se parkira Neka kola stin blokira Baren kola ka su vučna Ako već ne drži ručna</p> <p>Na vrh puta s Poduljina Parkiranaj limuzina I to lipo zdesne strani Baš va nispoc spred kavani</p> <p>Bura puše, dostij leda Jel sigurno baš ne gljeda Udari se buri čuli Vanij dva tri ispod nuli</p> <p>Zapuhaj jače bura Auto va nispoc gura Rivala gaj do gromače I auto doli skače</p> <p>Nij se jako ni razbilo Spod gromačej mehko bilo Spod gromače se parkira Tu muj bura dala mira</p> <p>Tambur</p>	<p>Sudac</p> <p>Ivi Horu pomoć nudi Kad napada viši ljudi Katridu mu daje velu Kad napada on Matelu</p> <p>Na katridu neka skoči I potegne među oči Neka mu natekne glava Matelo ga zajebava</p> <p>Napada ga va kavani Matelo se i ne brani Ive rukun zamahiva Matelo ga drobon riva</p> <p>Ive se na prsti diže Ma do bradi ne dosiže Onda dečki dva namignu Pa Ivicu vazrak dignu</p> <p>Ive direkt tad potegne Opet bradi ne dosegne To su bile prave drame Pogodil gaj tek va rame</p> <p>Moraš s Ivun bit oprezan On je miran kad je trezan Kad alkohol ga savlada Nezgodan je jako tada</p>	<p>Va bufetu jednuč tako Nervozan je i to jako Oko šanka se obličie Zač mu Branka neda piće</p> <p>Ive vanju grdo gljeda Isto Branka piće neda Pa joj veli va ton jalu Da ju jebe tako malu</p> <p>Srdit šeće oko šanka Spod brka se smije Branka Tiho veli , ko te šiša Glavu san od tebe viša</p> <p>Čor Damiru v bankuj stavil Njemuj sto kun on ostavil Da popije va kavani Da se gol ne smrzne vani</p> <p>Okladaj to va kavani A minus tri biloj vani Da si sto kun on priskrbi Gol oće teć on po Vrbi</p> <p>Damir suče se do gola Se do čarap i postola Vanij zima daj strahota I tekal je do kažota</p> <p>Tambur</p>

Abukat

Za Marina gazdu "Vrbe"  
Da ga dlani ne zsrbe  
Manje će se prsti znojiti  
Mašinu za soldi brojiti

Ovuj zimu imel sriću  
Nabral ich je punu vriću  
"Starij dečko" bil za keca  
dobroj delal dva miseca

Miculinić Braci daje  
On voli te običaje  
Bribira se neka sjeti  
Ostavlja mu dvi disketi

Pozdravi mu lipi šalje  
Domoljuban da bu dalje  
To nij pozdrav radi reda  
Zač celi svit Bribir  
gljeda

Na kraji sin puno srići  
Zač nij više niš va vrići  
Oporukun , ne po sili  
Se smo lipo podilili

Ako bude šala neka  
"Ćokovo" nas jutro čeka  
To pročitati ćemo tamo  
Pa pridite , znate kamo

Tambur

KRAJ